

Razaleigh: Kerajaan bawah Dr. M akan terus tingkatkan taraf Bumiputera

KUALA LUMPUR, Khamis — Menteri Kewangan, Tengku Razaleigh Hamzah menegaskan malam ini, kerajaan di bawah pimpinan Datuk Seri Dr. Mahathir Mohamad akan terus melaksanakan tanggungjawabnya meningkatkan kedudukan orang-orang Melayu dan Bumiputera yang lain dalam kehidupan nasional.

Bagaimanapun, katanya untuk menjayakan tujuan itu, masyarakat Bumiputera hendaklah mengubah sikap bekerja dan cara-cara meningkatkan kedudukan ekonominya terutama di bidang aktiviti ekonomi yang sofistikated.

"Saya bagi pihak kerajaan akan terus berusaha sedaya upaya mengadakan bantuan

dan sokongan yang perlu dan menasabah asalkan usahawan-usahawan Bumiputera membuktikan tindak balas yang positif terhadap hasrat kerajaan itu.

Tengku Razaleigh menyatakan demikian di majlis jamuan 'Sekuntum Bunga Raya Dalam Tasik Teratal' bagi meraikan penganugerahan beliau Ijazah Doktor Kehormat Undang-undang dari Queen's University, Belfast, Ireland Utara di sini, malam ini.

Membentuk

Majlis tersebut dianjurkan bersama 11 pertubuhan Usahawan Bumiputera yang bergabung tenaga untuk meraikan beliau.

Bellau berkata, kerajaan masih belum berpuas hati dengan pencapaian rakyat terutama masyarakat Melayu dan Bumiputera lain dalam

serba-serbi lapangan hidup, terutama mereka yang dalam taraf kemiskinan.

Menurutnya, dasar memandang ke Timur adalah satu contoh pendekatan baru bagi menghadapi cabaran-cabaran dekad 80-an terutama dalam soal meningkatkan daya pengeluaran dan keberkesanan rakyat, bukan saja di bidang industri tapi juga di sektor perdagangan dan pertanian.

"Konsep etika kerja ini diharap akan dapat membentuk sebuah masyarakat pekerja Malaysia dari golongan buruh hingga kepada eksekutif atasan yang bersih, cekap dan amanah.

Menteri Kewangan berkata, konsep baru menjalankan tugas dan tanggungjawab ini adalah sangat perlu khususnya bagi orang Melayu.

Ini disebabkan masyarakat Melayu dan Bumiputera adalah dari golongan yang berkecimpung dalam sektor ekonomi moden.

Bellau juga menegaskan pentingnya rakyat mengamalkan semangat perpaduan yang lebih erat dan kukuh bagi menentukan nasib bangsa dan negara di akhir abad ke-20 ini dan selepasnya.

"Saya percaya jika rakyat bersatu hati dan tenaga menentang cabaran di zaman ini dengan penuh azam dan keyakinan, nasib dan kurlat kita di masa depan akan lebih terjamin," ujarnya.

Bellau menambah, Malaysia sedang bergerak ke arah suatu perpaduan rakyat yang lebih sempurna di mana kerajaan berkhidmat dan rakyatnya memerintah di dalam suasana aman, makmur dan selamat.

No. Siri 2924

No. Penerimaan 689/85